

Broj: 02-11-1743/25-AP-3

Datum: 14.8.2025. godine

Na osnovu člana 12. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Odluke o izvršavanju Budžeta Grada Zavidovići za 2025. godinu („Službeni glasnik Grada Zavidovići“, broj: 03/2025), Programa utroška sredstava planiranih u Budžetu Grada Zavidovići za 2025. godinu u odjeljku „Rashodi i izdaci“ potrošačke jedinice-glava 13208 Služba za upravu društvenih djelatnosti, pitanja boraca i opću upravu, sa pozicija „Tekući transferi i drugi tekući rashodi“ i „Kapitalni izdaci“ - Odsjek za društvene djelatnosti i opću upravu, broj: 02-11-859/25-AP-2 od 15.04.2025. godine i Izmjena i dopuna Programa utroška sredstava planiranih u Budžetu Grada Zavidovići za 2025. godinu u odjeljku „Rashodi i izdaci“ potrošačke jedinice-glava 13208 Služba za upravu društvenih djelatnosti, pitanja boraca i opću upravu, sa pozicija „Tekući transferi i drugi tekući rashodi“ i „Kapitalni izdaci“ - Odsjek za društvene djelatnosti i opću upravu, broj: 02-11-859/AP-4 od 17.07.2025. godine, Gradonačelnica Grada Zavidovići donosi:

K R I T E R I J E

za dodjelu novčane nagrade iz Budžeta Grada Zavidovići za 2025. godinu posebno nadarenim studentima - „Nagrada za posebno nadarene studente - Alen Mehmedović“

Član 1.

(Predmet Kriterija)

Ovim Kriterijima utvrđuju se uslovi, način i postupak za raspodjelu sredstava u Budžetu Grada Zavidovići za 2025. godinu sa Tekućeg Transfera za posebno nadarene studente-nagrada Alen Mehmedović, planiranog u iznosu od 18.000,00 KM (osamnaest hiljada konvertibilnih maraka, -).

Član 2.

(Korisnici sredstava)

Sredstva iz člana 1. ovih Kriterija mogu koristiti redovni i redovni samofinansirajući studenti prvog i drugog ciklusa studija sa područja Grada Zavidovići (sa stalnim prebivalištem na području Grada Zavidovići) koji studiraju na visokoškolskim ustanovama na Univerzitetima u Bosni i Hercegovini i inostranstvu u akademskoj 2024./2025. godini i to:

- studenti čiji prosjek ocjena svih položenih ispita, od prve godine studija i nadalje, iznosi najmanje 9,00;
- studenti od druge do šeste godine - prvi i drugi ciklus;
- apsolventi, odnosno završeni studenti prvog i drugog ciklusa studija, koji su ovaj status stekli po osnovu prethodne akademske godine.

Korisnik sredstava iz člana 1. ovih Kriterija ne može biti student:

- koji je upisao prvu godinu studija u akademskoj 2024./2025. godini,
- koji studira drugi puta bilo koji ciklus (ima završen studij/fakultet),

Član 3.
(Namjena sredstava)

Sredstva iz člana 1. ovih Kriterija namijenjena su stimulisanju posebno nadarenih studenata da i dalje ostvaruju vrhunske rezultate tokom studija.

Član 4.
(Postupak oglašavanja)

Gradonačelnica Grada Zavidovići raspisuje javni oglas za podnošenje prijava posebno nadarenih studenata za sredstva iz člana 1. Kriterija.

Oglas će biti objavljen na Oglasnoj ploči Grada Zavidovići i na web stranici Grada Zavidovići i ostaje otvoren 15 dana od dana objavljivanja.

Gradonačelnica svojim Rješenjem imenuje tročlanu Komisiju koja provodi proceduru javnog oglasa.

Član 5
(Potrebna dokumentacija)

Korisnici sredstava iz člana 2. ovih Kriterija dužni su uz zahtjev priložiti sljedeću dokumentaciju:

- Originalno uvjerenje da je redovan student / redovan samofinansirajući, prvi puta upisan u studijsku godinu u akademskoj 2024./2025. godini (godina studija, odnosno semestar i ciklus) ili uvjerenje u elektronskoj formi dostavljeno sa zvaničnog mejla Univerziteta/Fakulteta uz obavezno naknadno dostavljanje originalnog uvjerenja, najkasnije u roku od 30 (trideset) dana od dana početka nove akademske godine,
- Originalno uvjerenje da je apsolvent ili završeni student prvog, odnosno drugog ciklusa, po osnovu predhodne akademske godine ili uvjerenje u elektronskoj formi dostavljeno sa zvaničnog mejla Univerziteta/Fakulteta uz obavezno naknadno dostavljanje originalnog uvjerenja, najkasnije u roku od 30 (trideset) dana od dana početka nove akademske godine,
- Originalno uvjerenje o svim položenim ispitima od prve godine studija i nadalje sa izvedenom srednjom ocjenom ili uvjerenje o svim položenim ispitima u elektronskoj formi dostavljeno sa zvaničnog mejla Univerziteta/Fakulteta uz obavezno naknadno dostavljanje originalnog uvjerenja, najkasnije u roku od 30 (trideset) dana od dana početka nove akademske godine,
- Potvrdu o prebivalištu na području Grada Zavidovići (PBA-3 obrazac ne stariji od šest mjeseci),
- Potvrda banke o otvorenom žiro-računu ili kopija bankovne kartice,
- (Napomena: Kandidati koji studiraju izvan BiH dužni su uz uvjerenje dostaviti i prevod istog na jedan od službenih jezika BiH ovjeren od strane ovlaštenih sudskih tumača za odgovarajući strani jezik, kao i informaciju o sistemu ocjenjivanja, ukoliko se razlikuje od sistema ocjenjivanja u BiH).
- *Komisija može tražiti od kandidata dodatnu dokumentaciju, radi utvrđivanja svih potrebnih činjenica za donošenje konačne odluke o dodjeli nagrade.*

Član 6.
(Način bodovanja)

Bodovanje će se vršiti na osnovu:

a/ uspjeha: izvedena prosječna ocjena svih ispita množi se sa koeficijentom 5,

b/ godine studija:

- | | |
|---|----------|
| - student druge godine | 2 boda |
| - student treće godine | 3 boda |
| - student četvrte godine | 4 boda |
| - student pete godine | 6 bodova |
| - student šeste godine | 8 bodova |
| - apsolvent ili završeni student I ciklusa | 4 boda |
| - apsolvent ili završeni student II ciklusa | 6 bodova |

Član 7.

(Odobrovanje i realizacija sredstava)

Na osnovu izvršenog bodovanja, Komisija za provođenje javnog oglasa utvrđuje prijedlog preliminarne rang-liste, dostavlja je Gradonačelnici na saglasnost i objavljuje na Oglasnoj ploči Grada i web stranici Grada Zavidovići.

Prigovori na preliminarnu rang-listu upućuju se Gradonačelnici putem Službe za upravu društvenih djelatnosti, pitanja boraca i opću upravu, u roku od 8 (osam) dana od dana objavljivanja.

Nakon provedenog žalbenog postupka, Komisija formira konačnu rang-listu i upućuje je Gradonačelnici na saglasnost i odobravanje.

Isplata sredstava po konačnoj rang-listi vršit će se jednokratno u iznosu, koji će zavisi od broja kandidata koji ispunjavaju uslove oglasa i raspoloživih sredstava, putem pojedinačnih zaključaka Gradonačelnice, na žiro-račune studenata.




Član 8.

(Stupanje na snagu)

Kriteriji stupaju na snagu danom donošenja, a primjenjivaće se za akademsku 2024./2025. godinu.

PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik

Akt pripremila: 
(Asima Merdanović)
Akt revidirao: 
(Sunija Ramić)
Akt pregledao: 
(Nermin Čahtarević)